

Bosna i Hercegovina
Udruženje tužilaca/Udruga tužitelja u Federaciji BiH

IZVJEŠTAJ O RADU
od 01.01.2015. do 01.01.2015.g

Sarajevo, 12.05.2016. godine

UVOD

Zajednički principi svih strukovnih udruženja u pravosuđu su neovisnost, poštenje i objektivnost. To su teme koje se konstantno ponavljaju, i UN vodićima (usvojeni u Havani, na 8. Kongresu UN o zaštiti od kriminala i tretiranju počinitelaca krivičnih djela) i standardima koje je formirala Međunarodna asocijacija tužitelja pod nazivom "Standardi profesionalne odgovornosti" (IAP). međunarodni standardi nameću obavezu za države da obezbijede uslove gdje će tužioci biti u mogućnosti da djeluju nepristrasno i objektivno.

Neovisnost, poštenje i objektivnost mogu biti sačuvani samo onda kada tužioci mogu djelovati nezavisno, te Vodići i Standardi podcrtavaju obavezu države da obezbijedi da tužioci mogu svoju funkciju obavljati. Standardi kažu da "tužioci moraju ostati nepodložni individualnim ili grupnim interesima i javnim ili medijskim pritiscima te da trebaju voditi računa samo o javnim interesima (IAP 3).

UN vodić ukazuje da u interesu poštenja i učinkovitosti, tužioci trebaju nastojati surađivati sa policijom, sudovima, javnim pravobraniocima i vladinim agencijama i institucijama, ali pri tome je veoma važno sačuvati neovisnost tužioca.

Nekada se sugerise da se nezavisnost i odgovornost međusobno isključuju sa rezultatom da nije lako uspostaviti odnos između ova dva faktora. Ali ako su ovi koncepti dovoljno kvalifikovani da nezavisnost vide kao slobodu od neprikladnog političkog ili nekog drugog uticaja, a odgovornost kao obavezu da se objasni osnova načina donošenja odluke, drugim riječima, ističe se, da svaki koncept može biti sagledan kao podrška jedan drugom.

Država je isto tako obavezna po ovim standardima da obezbijedi da postavljanje i unaprijeđenje tužilaca bude zasnovano na objektivnim faktorima, posebno profesionalnim, i nepristrasnim procedurama.

Ciljevi i programski zadaci Udruženja tužilaca F BiH

Strateško planiranje aktivnosti svakog profesionalnog udruženja predstavlja mehanizam koji omotučava planiranje budućih aktivnosti, utvrđivanje prioriteta, efikasnu raspodjelu i optimalno korištenje resursa (finansijskih, ljudskih, materijalnih), praćenje napretka u odnosu na definirane strateške ciljeve. Ono pomaže potpunije i bolje provođenje nadležnosti utvrđenih zakonom i drugim propisima, te donošenje optimalnih odluka od strane rukovodioca koje su provodive. Da bi se izradio jedan takav efektivan i provodiv strateški plan neophodno je prije svega prikupiti sve postojeće raspoložive informacije o trenutnoj situaciji, napraviti analizu iskustava, prognozirati promjene u okruženju u kojem organizacija djeluje i utvrditi prioritete. Pri tome treba imati u vidu da bi se strateško planiranje moralo odvijati integralno sa budžetskim i finansijskim planiranjem, obzirom da se prvim utvrđuju osnovni pravci djelovanja, dok se drugim obezbjeđuju sredstva za njihovu provedbu.

Trenutno, ovakvo sistematično strateško planiranje u okviru tužilaštava u F BiH ne postoji.. Istina, neki ciljevi bivaju formulisani na određenim stručnim i strukovnim skupovima, usvojene su i određene strategije u pravosuđu, Međutim, ovako postavljenim ciljevima nedostaje sistematičnost i razrada konkretnih akcija koje se trebaju preduzeti u svrhu njihovog ostvarenja. Svako tužilaštvo bi trebalo imati svoj poseban strateški plan, pri čemu treba voditi računa i o širim sektorskim i planovima srodnih institucija, a prije svega nadležnih ministarstava pravde i VSTV BiH. Osnovno sredstvo za ostvarivanje formulisanih ciljeva, jesu finansijski i materijalni

resursi, kao i ljudski resursi koji predstavljaju znanjem, vještine, spostobnosti, kreativnosti, motivaciju i odanost kojom članovi određene organizacije raspolažu u svrhu ispinjivanja svojih ciljeva i razvoja poslovanja. Upravljanje ljudskim resursima bi najopćenitije podrazumjevalo racionalno i optimalno korištenje ovih resursa od strane menadžmenta, sa visokim stepenom organizacije, specijalizacije i adekvatne distribucije zadataka u okviru djelatnosti organizacije/udruženja i njenog daljeg unapređenja.

Sa aspekta tužilaštava ovdje treba navesti nekoliko, već ranije formulisanih , kategorija, prioriteta , koji su usklađeni sa naprijed navedenim standardima, na čijoj realizaciji ne potrebno i u narednom periodu raditi.

Prije svega, neophodno je poboljšati kadrovsku i tehničku opremljenost kantonalnih/županijskih tužilaštava. U kadrovskom pogledu, potrebno je istaći važnost jačanja resursa u pratećim službama (stručni saradnici, savjetnici) jer bez toga tužilački potencijal ostaje neadekvatno iskorišten i često se, umjesti za osnovne poslove i složena pravna pitanja, nepotrebno koristi vrijeme za obavljanje rutinskih administrativnih poslova. U određenim tužilaštvima je potrebno kadrovsko osnaženje u smislu zapošljavanja dodatnog broja tužilaca, što se moglo izvući i iz zaključaka usvojenih na više održanig Konferencija glavnih tužilaca u BiH. U sklopu toga , treba pomenuti i potrebu konačnog donošenja jedinstvenog zakona o tužilaštvima u F BiH.

S tim, u vezi je i već duže vrijeme prisutno pitanje finansiranje tužilaštava . U F BiH se finansiranje vrši iz različitih budžeta-kantonalnih za kantonalna i federalnog za Federalno tužilaštvo F BiH. U prilog potrebe za rješavanje navedenog problema, kao i obaveza države , govori i Preporuka Komiteta Ministara Savjeta Evrope broj (2000)-19 prema kojoj države članice Savjeta Evrope moraju preduzeti efikasne mjere koje ge garantovati da će tužioci biti u stanju da ispunjavaju svoje profesionalne dužnosti i odgovornosti, pod adekvatnim zakonskim i organizacionim uslovima, kao i da će im biti stavljena na raspolaganje adekvatna budžetska sredstva za ispunjavanje tih profesionalnih dužnosti.

Za razvoj ljudskih resursa neophodna je i konstatna edukacija tužilaca. To je i jedan od osnovnih ciljeva strategije VSTV BiH. Ispunjavanje ovog zadatka ozbiljno je pristupljeno formiranjem Centara za edukaciju sudija i tužilaca u F BiH i RS. I Udruženje tužilaca je uključeno u ove aktivnosti (organizuje Stručna savjetovanja tužilaca u BiH, učestvuje sa ostalim profesionalnim udruženjima u pravosuđu organizaciji Savjetovanja za krivično prvo i kriminologiju, u partnerstvu sa međunarodnim i domaćim nevladinim organizacijama, centrima za edukaciju sudija i tužilaca i vladinim organima organizuje seminare, okrugle stolove, radionice, za specifične teme od koristi za unapređenje znanja, vještina, spostobnosti, kreativnosti, motivacije ,ujednačavanje prakse i kvalitetnijeg u učinkovitijeg rada na predmetima iz pojedinih oblasti kriminala, jer time ujedno daju svoj puni doprinos zaštiti osnovnih ljudskih prava i sloboda.

Da bi sve to postigli, potrebno je ispunjenje i još jednog, koji možemo nazvati i osnovnim strateškim ciljem. A to je masovnost članstva, koji se , ponekad zbog nerazumjevanja značaja i uloge strukovnog udruženja, a i zbog opterećenosti redovnim aktivnostima u obavljanju tužilačke funkcije, ne ostvaruje u potpunosti. Uloga Udruženja tužilaca F BiH se najčešće svodi na uski krug ljudi, a zahtjevi se svode uglavnom na materijalni položaj tužilaca, što jeste važno pitanje, i taj problem je i sada aktuelan, i treba biti uporan prema zakonodavnoj i izvršnoj vlasti da se usvoji Izmjena i dopuna Zakona o platama sudija i tužilaca u F BiH, koji će se riješiti trajno materijalni status tužilaca, ali pri tome ne treba zanemariti idruge ciljeve koje udruženje ima, a to su zalaganje za dosljednu primjenu ustava, jačanje nezavisnosti

profesionalnih udruženja, ustavno prveni položaj tužilaca, afirmacija ljudskih prava, stručno usavršavanje kroz organizaciju seminara i drugih edukativnih aktivnosti, davanje mišljenja o nacrtima zakona i iniciranju izmjena zakona i drugih propisa. Uloga udruženja bi trebala biti aktivnija i u ovim oblastima, posebno kad je u pitanju ujednačavanje zakonodavstva, koji treba da bude jedan od osnovnih ciljeva svakog profesionalnog udruženja u sektoru pravosuđa u BiH, a masovnost članstva bila bi tu značajna, i aktivno uključivanje svakog člana udruženja u realizaciji ovih strateških ciljeva. Upravo zbog nedovoljne angaovanosti svih članova udruženja u realizaciji strateških ciljeva udruženja opća percepcija javnosti, kao jedno od značajnih mjerila uloge i snage profesionalnih udruženja u društvu, je da udruženja tužilaca, kao ni ostala udruženja u pravosuđu nemaju jak uticaj u društvu, i da uglavnom postaju aktivna onda kada se rješavaju pitanja materijalno statusa grupacijam, što u suštini nailazi na nerazumjevanje i ostavlja loš utisak u javnosti.

Podrška VSTV BiH u rješavanju pitanja koja su od značaja za bolje funkcionisanje tužilaštva je veoma važna, i u tom pravcu već su pokrenute određene aktivnosti uključivanjem predstavnika udruženja u radne grupe (radna grupa za pitanja neovisnosti, nepristrasnosti i odgovornosti u pravosuđu, radna grupa za rješavanje sukoba interesa u pravosuđu).

Rad Upravnog odbora Udruženja

Udruženje tužilaca FBiH je svoje aktivnosti u izvještajnom periodu uglavnom ostvarivalo preko Upravnog odbora, u skladu odredbom člana 32 Statuta Udruženja i članova 20- 39 Poslovnika o radu Upravnog odbora.

Pored upoznavanja sa kvalitetom i efikasnošću rada tužilaca, članovi Udruženja su imali mogućnost da preko svojih predstavnika ukažu na probleme sa kojima se tužioci suočavaju u radu, tako da je između ostalog tema ovih sastanaka bila i razmatranja i inicijative za izmjenjene i dopune zakona koji bi uticale na efikasniji i kvalitetniji rad tužilaca, uključujući i norme riješenih predmeta, materijalni status tužilaca, neredovna isplata plata, nedovoljna opremljenost tužilaštva i nedostatak kadrova, negativnom stavu medija u pojedinim slučajevima koji se odražavao kroz neobjektivno i neargumentovano informisanje javnosti, a što je uticalo na formiranje negativnog stava javnosti o radu tužilaštava, i sl.

Upravni odbor je ukazivao na ove probleme nadležnim organima, prije svega Visokom sudskom i tužilačkom vijeću BiH, Ministarstvu pravde F BiH, Zakonodavnim i izvršnim organima vlasti u F BiH, i čemu postoji i evidentirana pismena korespodencija.

Po ocjeni Upravnog odbora Udruženja, sve navedeno, a posebno obim, složenost i odgovornost u obavljanju poslova iz nadležnosti tužilaca, ukazuje na svu ozbiljnost navedenog problema i neophodnost vidnog preduzimanja mjera u cilju poboljšanja materijalnog statusa kantonalnih tužilaca u F BiH.

Na ove probleme Udruženje je ukazivalo VSTV BiH, čija podrška je bila značajna, jer su i sa te pozicije upućivali zahtjeve Ministarstvu pravde F BiH, i zakonodavnoj vlasti, ukazujući na potrebu da se riješe pitanja koja su izražena u prijedlozima Zakona o tužilaštvima u F BiH, i Nacrtu Zakona o platama sudija i tužilaca u F BiH, koji nikada nisu razmatrani i dostavljeni u parlamentarnu proceduru usvajanja.

Udruženje tužilaca F BiH je uputilo pismeni zahtjev VSTV BiH, Visokom predstavniku u BiH, Ministarstvu pravde F BiH, izvršnim i zakonodavnim organima vlasti u F BiH, kojim je ukazano na to ukazalo je i na potrebu usvajanja predloženih zakonskih rješenja, koji bi doveli do efikasnijeg i kvalitetnijeg rada tužilaštava u

Federaciji BiH. Između ostalog to se odnosi i na izmjene Krivičnog zakona F BiH i Zakona o krivičnom postupku F BiH. Ujedno Udruženje tužilaca F BiH je ukazivalo i na probleme vezana za primjenu Zakona o organizovanom kriminalu i korupciji i Zakona o oduzimanju imovinske koristi.

Udruženje tužilaca F BiH djeluje i putem Mreže pravde (članice nevladinog sektora), i kao strukovno udruženje koje ima podršku svih članica mreže pravde(64), u rješavanju određenih pitanja od zajedničkog interesa, kojim se nastoji poboljšati efikasnost i kvalitet rada tužilaštava, i jačati povjerenje javnosti u rad tužilašta u cjelini.

Mreža ostvaruje planirane aktivnosti putem radionica, sastanaka, i drugih vidova aktivnosti. Misija Mreže pravde je „Neovisno, efikasno, i odgovorno pravosuđe zasnovano na vladavini zakona, pravnoj sigurnosti i jednakosti građana u pristupu pravdi“

Udruženje tužilaca F BiH je u nastojanju podizanja svijesti i osposobljavanja tužilaca za nove pojavne oblike kriminala, sudjelovalo u raznim projektima, a samostalno je učestvovalo u konkursu i prihvaćeni smo kao nosioci projekta „ Nina ubaciti)

Od međunarodnih projekata izabrani smo od NGO „Astra“ Beograd, na realizaciji projekta o trgovni ljudima / zaštita žrtava ovog krivičnog djela, u koju realizuju u partnerstvu sa Međunarodnim forumom solidarnosti „ Emmaus“, i u okviru ovog projekta potpisnici sma Deklaracije o suzbijanju trgovine ljudima i eksploataciji ljudskih bića „ Balkan ART Now“. U sklopu planiranih aktivnosti vezanih za ovaj projekat održano je više edukacija za sudije i tužioce, kojim su pristupovali i članovi Udruženja tužilaca F BiH, čije finansiranje su obezbjedili organizatori ovih seminara/radionica.

Ovo potvrđuje da je Udruženje tužilaca u F BiH, u okviru strateških ciljeva utvrđenih Statutom Udruženja, ostvarilo uspješnu saradnju sa nevladinim sektorom, a posebno bii tu istakli saradnju sa drugim strukovim udruženjima tužilaca i sudija entitetskog i državnog nivoa, što daje mogućnost uspješnijeg rješavanja određenih pitanja i problema od zajedničkog interesa, tako da je u tim slučajevima Upravni odbor Udruženjai nastojao da razmjeni informacije i organizuje zajedničke sastanke, radi davanja podrške u realizaciji planiranih aktivnosti.. Osim toga, predstavnici svih udruženja u pravosuđu pozivani su na sve značajnije skupove koje je organizovalo Udruženje (savjetovanja, skupštine, sastanke, edukacije), i obrnuto, predstavnici našeg Udruženja su se odazivali na pozive drugih profesionalnih udruženja u pravosuđu i prisustvovali svim značajnijim skupovima koji su oni organizovali. To je doprinijelo uspješnijoj saradnji i razmjeni iskustva i prakse i povezivanju profesionalnih udruženja, posebno u realizaciji planiranih aktivnosti od zajedničkog interesa.

dana 01.12.2015. godine , održan je sastanak koji je organizovalo VSTV BiH, na kojem je sudjelovala i član Upravnog odbora Udruženja Šeila Heljic, na kojem je postignut dogovor o aktivnostima na priremi Konferencije „ Razvojni put reforme pravosuđa“. Ova Konferencija je održana na Jahorini dana 09. i 10. decembra 2015. godine, na kojoj su sudjelovali i predstvnici Udruženja tužilaca F BiH. Tema konferencije je bila vrednovanje rada i napredovanja nosilaca pravosudne funkcije, koji je organizovao VSTV BiH u saradnji sa USAID-om, i Fonda Centra za javno pravo.

VSTV BiH je formiralo radnu grupu za rješavanje pitanja sukoba interesa u pravosuđu, u koju je imenovalo i predstavnike predstavnike profesionalnih udruženja u pravosuđu. Sastanak ove radne grupe održan je u dana 04. 12. 2015. godine u VSTV BiH, a nastavak ovih aktivnosti planira se i u 2016. godini.

Predstavnici Udruženja tužilaca učestvovali su i u radnoj grupi za izradu prijedloga za izmjene i dopune krivičnih zakona u cilju unapređenja efikasnosti i neovisnosti pravosuđa, koji realizuje Forum građana Tuzla, zajedno sa partnerskom organizacijom Helsinški odbor za ljudska prava RS iz Bijeljine u okviru projekta „ Program održivosti civilnog društva u BiH“, kojeg finansira USAID vezano za sektor pravosuđa. U okviru ove aktivnosti organizovane su i stručne javne rasprave u Sarajevu, Banja Luci, Mostaru i Tuzli, na koje su bili pozvani i sudije i tužioci, ali nažalost odziv nije bio zadovoljavajući, iako se razgovaralo o značajnim izmjenama i dopunama procesnog zakona kojim bi se znatno unaprijedio rad sudija i tužilaca, a posebno tužilaca u cilju postizanja veće efikasnosti i kvaliteta, a prije svega rasterećenja tužilaštava sa predmetima koji bi se predloženim izmjenama i dopunama zakoskih odredbi brže rješavati i zadovoljiti princip zakonitosti, pravičnosti i zaštite osnovnih ljudskih prava, ne samo optuženih, već i oštećenih.

Dana 4 i 5. 02.2016. godine, održano je regionalna radionica u Sarajevu na temu „ Sigurnost i pravna zaštita pravosuđa kao preduslov za nezavisno pravosuđe i vladavinu prava“ koju je organizovalo VSTV BiH u saradnji sa Delegacijom Evropske unije u sklopu TAIEX instrumenata pomoći (Tehnička pomoć i razmjena informacija), na koju su pozvani svi predstavnici profesionalnih udruženja u pravosuđu. Pored domaćih predstavnika na ovoj Konferenciji su sudjelovali i predstavnici država iz regiona (Srbija, Makedonija, Albanija, Crna Gora, Kosovo), koji su predstavili vlastita iskustva iz oblasti sigurnosti u pravosuđu i oblasti krivično pravne zaštite sudija i tužilaca.

Projektne aktivnosti

U 2015. godini Udruženje tužilaca F BiH je u partnerstvu sa Centrom za edukaciju sudija i tužilaca F BiH, nastavilo realizaciju aktivnosti iz Programa specijalističke obuke Zakona o postupanju i zaštiti djece i maloljtnika u krivičnom postupku, koji je usvojen od Visokog sudskog i tužilačkog vijeća BiH. Finansijsku podršku u realizaciji svih aktivnosti ove specijalističke obuke sudija i tužilaca u F BiH, kao i izradu pratećeg edukativnog materijala (hodogram, vodič, komentari), obezbjedio je UNICEF.

Dana 13. 02.2015. godine, u VSTV BiH je održan sastanak sa predstavnicima strukovnih udruženja u pravosuđu, na kojem su u diskusiji uzeli učešće i predstavnici Udruženja tužilaca F BiH, i ukazali na niz problema koji otežavaju obavljanje tužilačke funkcije, a što utiče i na ostvarivanju boljih rezultata rada kantonalnih tužilaštava u Federaciji BiH. Vezano za ovu diskusiju usvojen je zaključak je da bi se o ovim problemima trebalo upoznati i Strateško tijelo tužitelja, formirano pri VSTV BiH, na način da VSTV BiH organizuje sastanak na koji će se pozovati i predstavnici Udruženja tužilaca F BiH, koji bi izložili probleme sa kojima se susreću u svom radu. Smatramo da nam je u zajedničkom interes da tužilaštva obavljaju svoju funkciju uspješno i efikasno, a to možemo postići samo ako se obezbjedi pravilna primjena zakona, odgovarajući zakonodavni okvir u skladu sa međunarodnim standardima, uključujući kadrovski i stručni nivo, kao smještajne uvjete i tehničku opremljenost tužilaštvima, što bi bila i tema predloženog sastanka, jer samo zajedničkim razumjevanjem i zalaganjem se mogu iznaći rješenja za efikasniji i uspješniji rad tužitelja u Federaciji Bosne i Hercegovine. Na istom sastanku su određeni i članovi Upravnog odbora koji bi prisustvovali ovom sastanku, a to su: Hajrija Hadžimerović-Muftić, predsjednica Udruženja tužilaca F BiH, i članovi Upravnog odbora Dalibor Bingas, kantonalni tužilac Kantonalnog tužilaštva

Tuzlanskog kantona i Šeila Heljić, kantonalna tužiteljica Kantonalnog tužilaštva Sarajevskog kantona.

Dana 04.03.2015. godine, održan je sastanak Fokusne grupe za nivo FBiH i kantonalni nivo, „Unapređenje pravnog statusa i uloge uposlenika i službenika u pravosuđu koji nisu sudije i tužiocu u sudovima i tužilaštvima u BiH”, kojem su prisustvovali i predstavnici Udruženja tužilaca F BiH.

Fokusna grupa djeluje u sklopu Projekta koji finansira EU pod nazivom “Izgradnja kapaciteta za pravosudnu reformu u BiH”. Sastankom je predsjedavala gđa. Pepa Laleva, ekspert Fokusne Grupe EU Projekta i voditelj Komponente 1 i 2. prema dnevnom redu u prilogu spisa. U ovoj radnoj grupi sudjelovale su federalna tužiteljica Alma Tirić i glavna kantonalna tužiteljica Fadila Amidžić. Članovi radne grupe ispred našeg udruženja upoznali su predstavnike projekta sa pravnim statusom tužilaca (imenovanje, ocjenjivanje, eventualno unapređenje, disciplinska odgovornost, plate), a ispred uposlenika / Stručni saradnici / stručni savjetnici u sudovima i tužilaštvima koje imenuje VSTV BiH, pripravnike / pripravnike volontere, rukovodno i drugo administrativno osoblje u sudovima i tužilaštvima; državnih službenika u pravosuđu) odgovore na ova pitanja je dala g-đa Matković Štefica, sekretar Federalnog tužilaštva F BiH.

U konačnosti, dogovoreno je da se aktivnosti grupe nastave na narednom sastanku, termina i mjesta održavanje naknadno dogovorenog, do kada će učesnici u prihvaćenom tabelarnom prikazu, dostavljenom i elektronskim putem, popuniti sve podatke izložene u prezentaciji a relevantne za njihovu instituciju.

Udruženje tužilaca F BiH već duži niz godina organizuje redovna godišnja stručna savjetovanja tužilaca u BiH, čiji značaj je prepoznat od strane domaće profesionalne i akademske zajednice, ali i od međunarodnih organizacija, i kolega iz regiona, što potvrđuje sve veći interes i brojnost učesnika. Na dosada održanim stručnim savjetovanjima tužilaca u BiH obrađivane su brojne teme koje su ocjenjene da će doprinijeti efikasnijem i kvalitetnijem radu tužilaca u BiH. Pored domaćih predavača iz profesionalne i akademske zajednice, vladinog i nevladinog sektora, učestvovali su i mnogi strani stručnjaci. Posebno naglašavamo da su sva dosadašnja stručna savjetovanja održana uz finansijsku podršku stranih donatora koji su prepoznali Udruženje tužilaca F BiH kao dobrog i odgovornog partnera u implementaciji aktivnosti od zajedničkog interesa (cjelokupna organizacija stručnih savjetovanja, edukatori i troškovi smještaja učesnika su bili pokriveni iz sredstava Udruženja tužilaca F BiH, koja su većinom pokrivena iz donatorskih sredstava). Zaključke sa održanih stručnih savjetovanja nakon usvajanja Upravnog odbora Udružena dostavljani su svim relevantnim institucijama nadležnim za njihovu provedbu.

VIII po redu Stručno savjetovanje tužilaca u BiH, održano je u Neumu, dana 05 – 07. oktobra 2015. godine,

Fokus ovog stručnog savjetovanja tužilaca bio je usmjeren na obuku tužilaca u cilju sticanja posebnih znanja

Zaključci sa VIII stručnog savjetovanja tužilaca u BiH, čine sastavni dio ovog izvještaja, imajući u vidu da su sa sa prethodnim imali prilike ranije upoznati.

I ove godine otpočele su aktivnosti na pripremi organizacije IX Stručnog savjetovanja tužilaca u BiH, koje će se održati u Neumu, od 28-30. septembra 2016. godine.

Zaključci sa VIII Stručnog savjetovanja tužilaca u BiH su :

Pravci daljeg djelovanja Udruženja

Pravci djelovanja na prethodno planiranom i programiranom načinu rada mogu biti:

- Utvrđivanje ustavnog i zakonodavnog položaja tužilaca , što bi rezultiralo upućivanje inicijative Udruženja tužilaca F BiH prema zakonodavnoj i izvršnoj vlasti da se u budućim ustavnim promjenama utvrdi ustavni položaj tužilaca u Ustavu F BiH i Ustavu BiH čime bi se ujednačila ustavna rješenja F BiH sa ustavnim rješenje u RS;
- proučavanje pravnog okvira u kojem tužilaštva i tužioci djeluju (KZ, ZKP, i drugi zakoni kojim se propisuju krivična djela. Zakon o VSTV BiH, Zakon o tužilaštvu u Federaciji BiH, te davanje inicijativa za izmjene određenih zakona;
- U tom kontekstu naročitu pažnju zaslužuju pitanja koja se odnose na načine i uslove imenovanja, razrješenja, disciplinsku odgovornost tužilaca, primjena kodeksa tužilačke etike, materijalno pravni položaj tužilaca, materijalno tehnička osposobljenost, organizacija tužilaštava, a sve sa ciljem predlaganja mjera za poboljšanje kvaliteta i efikasnosti rada tužilaštava i tužilaca kao neophodnog uslova u borbi protiv kriminala.;
- Proučavanje aktuelnih pojava oblika organizovanog kriminala, korupcije, kompjuterskog kriminala, nasilja u porodici, ravnopravnosti spolova, pedofilija i dr. , te davanje inicijativa kako za izmjene odgovarajućih zakona, tako i za poboljšanje metoda i sadržaja rada tužilaca za postizanje veće efikasnosti u borbi protiv ovih oblika kriminala;
- Kadrovsko osposobljavanje tužilaštava (tužioci, stručni saradnici, i drugo pomoćno stručno osoblje.), te davanje inicijativa VSTV BiH za preduzimanje potrebnih mjera;
- Poseban segment su uslovi i kvalitet smještaja (sagledavanje stanja, predlaganje kvalitativnih rješenja);
- Odnos sa zakonodavnom i izvršnom vlašću;
- angažovati se na daljem jačanju principa nezavisnosti tužilaštava, i to sa aspekta finansiranja tužilaštava, a u smislu obezbjeđenja finansiranja kantonalnih tužilaštava iz Buđeta Federacije BiH;

Sve naprijed navedeno bi moglo opredjeliti sadržaj WEB stranice Udruženja tužilaca F BiH i pomoći u izgradnji sadržaja WEB portala u odnosu na svaku od navedenih pitanja, koju planiramo urediti u skoro vrijeme, jer kako je navedeno, to je jedna od aktivnosti koja će se

Završna razmatranja i prijedlog mjera

Prijedlog neophodnih mjera za jačanje udruženja u cilju uspješnije realizacije strateških ciljeva udruženja:

- Iznutra ojačati profesionalna udruženja u smislu jačanja organizaciono/profesionalne strukture udruženja;
- Motivirati članstvo i ponuditi mu aktivniju ulogu u radu udruženja;
- u okviru udruženja razviti sektorski pristup;
- energičniji pravovremeni nastup udruženja u javnosti;
- energičnije nametanje u proces donošenja odluka;
- Potrebno je unaprijediti saradnju profesionalna udruženja u pravosuđu u cilju poduzimanja zajedničkih akcija zagovaranja za usvajanje formalnih mehanizama učešća i konsultacija u procesima donošenja zakona i politika na svim nivoima vlasti koje će olakšati učešće i uključivati profesionalna udruženja;
- Uvezati profesionalna udruženja u rad drugih organizacija civilnog društva;
- Profesionalna udruženja moraju aktivno učestvovati u procesima donošenja zakona i politika što podrazumijeva neophodnost prikupljanja informacija i znanja o regionalnim i međunarodnim uspješnim praksama i iskustvima u formalnom i neformalnom učešću udruženja u ovim procesima;
- razmjena informacija i znanja o postojećim (ne) formalnim mehanizmima za učešće u procesima donošenja zakona i politika na domaćem nivou kao i načinima za njihovo učešće u procesu pridruživanja BiH EU;
- udruženje treba mnogo više raditi na istraživanjima, procjenama potreba i sličnim pripremnim aktivnostima prije nego krenu u zagovaranje nekih krupnih i ozbiljnih reformi;
- Profesionalna udruženja moraju mnogo više učiniti na informisanju javnosti o tome šta su to profesionalna udruženja i šta je uloga ovih organizacija u društvu, te mnogo više javno govoriti o svojem radu, uspjesima kao i koristima koje društvo i građani imaju od njihovog djelovanja;
- Pronaći efikasne metode za saradnju sa građanima/javnosti te jačati podršku građana i javnosti za svoje djelovanje i aktivnosti;

Vlast bi trebala uspostaviti formalne mehanizme za učešće profesionalnih udruženja u procesima donošenja odluka na svim nivoima vlasti i više uvažavati i koristiti postojeća znanja i iskustva profesionalnih udruženja kroz uspostavu formalnih mehanizama učešća i konsultacija. Naravno, bez uvažavanja stavova i mišljenja profesionalnih udruženja kod važnih pitanja kao što su ustavne reforme, javni budžeti, implementacija zakona i sl. ne može biti uspješne saradnje između vlasti i profesionalnih udruženja.

Udruženje tužilaca F BiH
Predsjednica
Hajrija Hadžiomerović-Muftić